

歇

菴

集

研春集卷之二

皇明朝列大夫國子監祭酒會稽陶望齡著

門生喬時敏校友

謝伯美

弟陶奭齡訂

商

濬

弟陶祖齡閱

詩

覽鏡

髭須未長髮先皤覽鏡公然是一婆風柳容顏真  
易減秋蟬氣力苦無多細拋世界鍼鋒葉大展勲  
名夢裏柯豈有心情向朱紫便將金鑄擬如何

其二

三十七年聊把玩峻坡馳馬隻輪飛陶潛官罷知  
今是梵志人歸歎昔非白骨觀成看世妄青山招  
隱與心違桃花一雨平湖滿且乞長竿守釣磯

其三

說法從人誚馬留似猴良亦勝真猴牽絲刻木渾  
兒戲斷水殘山足夢遊溪潦旋添菱女柂霜痕欲  
上橘奴洲此中綸笠真吾事爲寫漁裝著釣舟

其四

食柏生香事有徵吾生物化豈無憑筍鄉嗜久枯  
同竹梵夾繙多瘦亦僧葷血斷來餘紫蓼衣冠拋  
盡只朱藤荒蕪田業關何事已種南湖十畝菱

其五

平生勲業竟何如終老須成食字魚千石官階楊  
子賦百城豪貴李公書墨池筆飽朝耕後茗碗談  
酣晚戰餘更有狂言客休訝一毛端處貯空虛

其六

鏡裏容顏頗自知須知元賴卽吾師持籌詎免揶

檢笑顧影行遭罔兩疑薄相苦無蠶室婦貧身半屬債家兒生來百醜醜明面可獨窮人盡是詩

其七

莫恠年時愛道裝姓名久已隸空王六時自禮蓮花漏每日親拈印字香詩景天和邀客和衡門草長與人長夜燈點罷仍朝梵靜業山中也覺忙

其八

春風濠上始觀儈秋雨簷前又醉漚萬事總如僧剃髮一生偏愛黍垂頭歛崎歷落真堪笑寵辱升

沉定不憂試向唐生問身事騎牛躍馬竟誰優

其九

季主誠賢術未奇子卿巧中亦吾欺豈如明月盤龍鏡解照清霜病鶴姿蘿葛攀援秋欲斷魚龍蟄伏冷相宜可憐憔悴東陽守老病臨頭帶孔移

其十

頻年頗惟卜公腴隱几空堂我更臞槁木自含天籟遠濕灰應覺地文殊免毫錯落時扛鼎塵尾從容坐撒珠一束芭蕉莫輕視巍巍丈六紫金軀

小園

滿窓烟翠鏡湖南隱士圖書海岳菴畫艇故敎藏  
五柳啼鶯頻與喚雙柑泥人山似當春睡中酒花  
仍自畫酣已插疎籬護芳草更添微徑擬三三

春悶

一春情緒似玄冬門掩芳菲眼欲封西子湖憐遊  
舫逸賀公池負酒杯濃行隨蛛網縱橫織雨對醯  
雞上下春紫芥白鹽隨事有清齋聊得比周顥

寄懷袁伯修

楚袁蕭灑似龐公十載交游伯仲中尺素懷人勞  
強飯一瓶餉遠笑擎空總無兒女謀身易示有威  
儀與俗同苦憶西郊共携手江南今已棟花風

湖上新屋成向有山居之意故云然

東西坊木依城市大小山今有弟兄擬卜幽棲分  
嶺翠好憑竹閣聽泉聲倦同飛鳥投林急慵愛瓜  
牛戴屋行湖上一椽聊爾爾扶犁櫂與老農耕  
得袁石浦善併在新什志喜十四韻

失喜驚妻問江州遠信傳入懷珠滿把開紙舌生

蓮閣處偷頻看幽時靜憶眠逢人隨口誦逐句費  
心箋獨露當陽劍勤加最後鞭句新詩有眼琴古  
韻無絃曩者官聯署同時客寓燕效顰徒豎指失  
利在空拳射虎雄隨廣飛丸富逐媯鷺蹄虛翦拂  
柄質謝雕鐫離索竟誰訴蹉跎祗自憐法仍慙白  
自講已罷玄玄金鑄司倉佛舟懷郭泰仙願因風  
力厚鏤翮會飛騫

讀華嚴合論

禪心端合一生休偈價真堪萬死酬虛有身形似

履鼓愧無手，指發箒。篋設縫小本。華嚴論爲送初  
涼葉落秋頂，髮欲斑。除未得，祗應枯瘦擬比丘。

陳侍御西湖庄

名場羨爾一身收。墨詔新銜拜醉侯。艇子舊裝蓮  
葉樣。吳兒殊有串珠喉。輕輿軟逕花間馭。晚翠朝  
烟水上樓。我亦清狂公記取。十旬三度淨慈游。

送詹生

了無經術只甘眠。且免門人笑。腹便隔歲豈堪綺  
舊曆廢琴端爲發新絃。低頭我已推東野。高足誰

能似鄭玄莫惜湖亭覽時語夜潮偏送

上灘船

孟節婦

禮卿母

晦月失陽光死魄終不盡不如作雙星化石同時  
霞青衫霜雪髮倏改如雲鬟剗櫟春膾和辛勤爲  
兒忍書燈照機杼心苦聲韻窘金風悲蟋蟀草露  
弔蚯蚓樹枯生意盡會看發芝菌何以況古人軒  
書宗也翁

題李髯雲峰圖

但寫雲峰意自閒不須重畫幼與顏君便

信否不然何苦愛游山

西湖圖 李舜家西湖傍

從來對景不挂畫此地未宜張此圖不若贈余山  
館去好尋烟柳憶西湖

迎雨謠

江鼈背穿井苔死旱蓮開花仍結子

俗云旱蓮草生水濱輒旱

及結子始雨水車啞啞龍脫骨夜半踢翻老鴉尾山農

父手眼出血心死向神土泥活廟祝村巫語嘶啁

兩瓣筭坯顛倒跌西村太尉東相公靈輿交戛鑼

鼓雄走僵藜老顛倪童布裙拖竹旛風神言天  
怒山鎖龍力縣位下闈難通零雲剩雨空虛中殿  
脚子孫異所翁各爲乃子身相攻秋雨薄薄分牛  
春攘雷剽電相寇賊神戈鬼仗雲間格晝馬驂驛  
汙流壁截分片雲如裂帛屠牛烹豕謝神力釀酒  
沃田田亦濕

端午日無念師二詹生吳生同集齋中偶看  
坡公汁字韻詩戲效韻五章末章呈似念公  
吾聞嵇阮儔然嗜米汁呼酒如救焚五斗未曾

濕清言多妙理往往酣中得不知三間公沉湘有  
底急有如雲閒鵠而視池中鷗覆載豈不宏愁人  
眼空羃園芳延令節安石榴花赤綠米煮菰青菖  
蒲兼酒白酒爲瀟吾辰花以華吾幘行從漁父歌  
一弔孤累泣醒魂老更苦澆酒箴其缺今日良宴  
會坐有千里客顧客醉勿醒醒後憂來集

其二

當暑思峨眉千年藏雪汗積冷冰齒牙一想枯喉  
濕往往隔雲巘玄漿寧可得譬彼越人游跡散溺

者急況我困喧隘有似失水鳴氣濕地更潮雲昏  
天欲暮賓去稍自便襪解脚暫赤旣滌越窑青還  
尋雪芽白手煎不辭倦未用龍頭幘水火已應候  
快聽蒼蠅泣悠然起遐望青山到牆缺顧我有好  
顏真成主與客疎篁復解事簌簌清風舉

其三

榴嬌乍頰頰柳暗初流汗湖南去飯牛飯飽牛耳  
濕炎景困騰騰嘉賓來得得同情節物換再歎流  
光急艾葉巧成虎沉香微吐鴨開軒去屏障獨詩

處花叢越酒苦釀醕瑩落珊瑚赤家傳蘇氏方頗  
類吳中白豈徒側君弁歡賞行墮幘連槽瀉春潤  
幾夜糟牀泣餅罍幸未耽杯勺豈愁缺主人不自

謀醞美真爲客莫厭園蔬貧明朝肯來集

予家造真一酒

色味似  
三白

其四

生平食字飽渴飲松煤汁共壓強韻詩思苦筆未  
濕紛如舟競渡紅錦志先得勝事出危險好語生  
追急每愛孟東野銅斗誇射鴨雖無壯士懷幽韻

寫蒙羃飛情高鳥墮洗恨遊飭赤不獨吟者勞聞  
歌已頭白伊余亦何事肩聳髮去墯胡不日中眠  
強效寒蟲泣靈均去我久風雅道漸缺我欲拜低  
頭誰是詞壇客何當喚韓孟去作城南集

其五

學道如癡狗銜枯苦求汗悟道如涸魚登陸徒响  
濕空虛無片段豈要論失得跡往電猶遲鋒馳箭  
非急多言祇自困喧呶亂鵝鳴夸足走蹠蹠勞睛  
花羃羃吾師無寸鐵應敵雙拳赤摩壘大鼓鼙推

邪老韓白而予本幻士枯木冒冠幘帆有無陽歌  
鶴有無情泣雖然共居諸且不受盈缺從師莽浪  
游非主亦非客眼看曠刦事一會靈山集

復用汁字韻送幼美兄之金陵

牛車喘斜月白汗如飴汁憐君遠行邁犯此梅雨  
濕吳船木扇樣腰脚轉難得且共汎清泚湖風解  
拘急荷涼淨窺鷺蒲短嬌眠鳴青空淺色畫綠縟  
深重幕請看堤柳外別有飛丸赤黔爾無須臾改  
爾韶顏白況當禮法地趨踰困巾幘而咏蓼莪詩

熱眼枯行泣行矣慎風露清懽願勿缺寧從彥道游勿作田蚡客東林儻可依好其宗劉集

題湛然禪師像

一曲琵琶天下奇朱簾繡幕捧蛾眉直敎笑破崑崙口幕裏紅粧是段師

登羅巖山菴有清隱額是劉文成公所題主人指畫下方甚辨

清隱誰將記往年壯遊我欲抱雲眠鷺頭直下橫吞海鵬背蒼然倒看天石頂芋肥饒佛供古潭龍

老護僧禪酒間指畫煩鄒衍爲道齊州那點烟

蘭芎山

山有葛洪丹井汲之有藥氣

飛欄跨閣蹟俱陳嶺翠江光興亦新丹井汲雲香  
帶藥斷碑嵌壁蘚生鱗僧閒自打鐘迎客路穩  
纏杖累人忙底雙眸清不寐幾番湖海浣灰塵

過日鑄嶺

是歐冶鑄劍地歸田錄稱日注草茶第一注卽鑄也予舊有卜居之

志茲始至焉山寺久廢僧徒二人

十年聞勝地及見過於聞蘿葉遮泉眼松身土石  
筋綈分朝暮果洞老古今雲舊寺千盤裏僧田薄

可耘

其二

小住寧論歲幽居勝事牽春雲裝紙碓山人多造紙者載月買谿船厓石閒畱記園池暗引泉前坡驅犢晚

竹篠可充鞭

其三

寺廢餘僧病基荒記佛埋龜趺蹲澗草虎嘯撼門  
柴無地開朝講租田給午齋布金貧未得爾我願  
何垂予許買山後爲復寺

其四

臨水不忍漱清言憶子荊指虞仲也詳見傳中揀松開墓道  
菴草傍新塋調苦憑琴怨詩新托夢賡此生差不愧亂弟願爲兄

其五

黑林魈一足陰嶺虎偏蹄密戶尋猩語山深處皆造密燒炭  
巢民伴鶴棲岩回全隱路石墮未妨溪愛僻真吾病携鉏築崦西

其六

近浦延花舫沿山僦草驢前谿應潮水後疃到精  
廬林愛一枝鳥盆游千里魚葢頭茅幾把可號野  
人居

其七

嬾許黃生並狂惟袁子真可憐虛白意猶傍軟紅  
塵溪澗裁羅淺簷舊種紙奉山人以竹爲紙欲將雲寄遠  
雲亦戀吾貧

其八

飛遜高賢事藏修拙者能未應違俗好聊以遠人

惜古溜泉穿石枯松葉換藤只愁深谷底直欲改  
高陵

其九

冶氏去已久山山如劒鋌過雲愁破碎飛鳥敢翶  
翔吾欲拔之舞收將囊底藏星文翳衣袂却似有  
身光

其十

朱門不肯顧目望高天霞鹿性常思草蓬房只課  
花糞畦收豆楷開地種脂麻漸曉農桑理傳書王

老家

王氏

庚辰書

其十一

醉翁遺錄在佳茗舊來諳摘露先朝日

茶須日未出時采以

收露氣蒸烟入晚嵐竹鱸煎活火藜杖掛都籃儻許

吳僧住寧將顧渚慚

日鑄嶺間畫眉

有序

過嶺稀見餘鳥惟聞畫眉而已山人言此鳥各  
占一山頭其侶過之必苦圖自來無共棲者予  
異其質似嫵媚而志甚貞果爲咏此篇

屯雲飛不去百羽何由住畫眉豈凡禽獨叫山頭  
樹一山占一鳥餘鳥不得覩買勇日求敵似恐奪  
其處烟霞剖同城疆土成異據遠黛媚纖妍嚶鳴  
寫深慘畱侯氣雄特姣好擬婦女羨爾嫵媚姿猛  
志紛難禦豈同尹與邢專房巧忌妬將如巢共許  
牽犢遠辭汗田仲離母兄避地甘墜瓠謝諫絕儻  
黨風月纔到戶考槃獨寐笑孤竹鄉人惡有目視  
霄漢肯爲俗物顧有耳貯清虛每怕人聲遇此鳥  
是其魄孤貞亦遺趣爾爲高遁物予少人間務逝

將從爾居畫眉慎勿怒

東山

竹梢藤蔓冷僧扉門外蒼松忽減圃

舊多老松夾道近爲人伐

待者廝藥更誰悲遠志摘花猶得訪薔薇落潮漁

艇晚初閣上浦風帆健欲飛絲管暮年陶寫盡謝

公何日復東歸

夢中得首二句醒後足成之

行藏自笑只如蝸局曲形骸角兩叉屋舍隨身聊

爾爾文書篆壁強斜斜呼牛謾逐傍人應殺敵虛

聞二國譁莫學升商便枯死且畱涎沫一些些  
再至日鑄用前韻時上地往

綠岡逕轉曲如嶠童子猶能記路义紙寵罨烟溪  
雨閣猿枝裏地竹風斜青鳥白鶴原知妾繡嶺丹  
梯不受譁我亦埋憂仲長統饅頭邊事更無些

寒號蟲惰鳥冬毛脫凍號達晝夜稍煩輒鳴  
日得過且過鳳凰不如我

富勤不如賤惰健趨不如病坐斗牛垂玉六月千  
人萬人賀不如寒江夜雨一蓑睡足漁翁卧不願

釣頰微飢飽食勞薪煥但願慢吞細漱澗底安流  
餓寒號蟲毛羽襯徙風雪大嘴禿聲澌舌號破雪  
應會消風會住安能一枝兩枝暖日和風作音佐寒  
號蟲鳳凰不如誰得奈勸君可過權時過

信天翁水鳥不能捕魚每拾魚鷹殘餘食之

淘河曉寬似栲栳淘得河乾吻先槁鷗鷺繫頸青  
絲繩斷取魚鮮爲他好驚絲兩脚竟日捕饑餓不  
飛愁欲倒鶼鶬鶲恣 啄魚網鳥羅誰得保翁  
翁信天莫嘲笑拾得餘腥意堪飽

鴉鳩拙鳥而鳴無驗俗云晴鳩呌晴雨鳩呌

雨

橫枝不橫豎不豎結構不成翻墮樹寄言青鸝休  
笑儂早晚去時儂得住憐伊喈喈太饒舌袍喜何  
關相報語不如老鳩養子出窠逐婦鳴晴時呌晴

雨呌雨

嬾婦魚也一名饞燈炷其膏照歌舞則明照

紡績則暗

嬾婦愛嬾水底居肉充脂盛脩且腴烹銀液玉冰

雪濡流膏十斛柔如酥化爲紅燈嬾不除偏宜繡  
閣紗籠俱鳴瓊覆白鋪氍毹腰利屣飛長裙花  
光泣露月照除此時紅燈百丈餘開花吐蕊如美  
蕖惟嫌鳴機併緝纏女紅刀尺文史儒地鑪火灰  
冰咽壺寒膏半凝意不舒短檠挑焰一寸無白蟬  
陸處狀屬魚悉宰紙間餐墨枯腹無半字名嗜書  
開函見人羞欲遁我生人間百事疎對卷似智掩  
卷愚號曰懶夫何乃迂雙瞳不識粉共朱試揩魚  
油點眼珠願雙瞳子饑燈如

鴟性愛單棲

獨宿暝煙寒多情媿紫鴟單飛春月曙宿命欠紅  
鸞遶樹非連理啼花謝合歡前身清淨侶縛律護  
僧殘

流離鳥也幼好長醜

流離之子毛羽佳出翬姣好音哇哇父憐母惜口  
哺食丹山九鵠安足儕誰言長大妍醜換昔何熠  
燿今何乖柔荑嫩柯不自保一朝砍斫成枯柴流  
離之子嗚聲哀哀哀匪莪莪作萊

一日復一日

一日復一日一時復一時形容日以枯氣力日以衰惟有心脾存頑劣如童兒得餐亦復喜失歡亦復啼猶能聚沙戲而逐塗羹嬉嘗聞丘里言生如牛沒泥三十行及膝四十腰脊齊更過五六十滅鼻徒悲憐及耳耳爲聾及眼眼爲眊雖然露兩角戢戢何所爲奚煩到北邙此理良易推君看淖中行豈有却出期

久麥

久麥化蝴蝶蝶化寧自識翅粉漸凌亂鬚嘴好粧  
飾無端夢爲周誇言大鵬翼著書一何困矢口談  
道德當其夢覺時栩栩亦暫適莫信夢中言前身  
一腐麥

嘗新酒

寒雲漏日遠山光甕酒新沉與客嘗山解青青如  
屋裏酒雖薄薄勝茶湯穿波何處漿牙噪啄雪初  
來烏嘴僵楚火幾星灰尚緩憐君無事且深藏

咏晚雅時新安程生在坐

寒鴉作團飛  
鋗轟口暗不噪  
以羽鳴聲如猛風吹  
屋傾來無約期  
令我驚仰面乃見  
滿天黑暝色  
駛飛意急殘  
雪糝頭毛尚濕寒  
雲壓背高纔尺欲  
數翻愁過眼  
疾猶有追飛餘  
幾翼聽之無響數可  
隻筆凍手開天闊  
寂晚景句奇稀  
賞識新安壯士  
好腰脊爲君繡  
此寒鴉集

題畫竹

草非草木非木畫復非畫橐法足筆如秋原落輕  
鵠蒼寒百丈鵠溪縮視之墨耳意乃綠四竿五竿

如萬玉可老坡仙森在目我不識畫頗識竹題詩  
上方添爽颺

戊戌除夜

淚燭黯將滅啼鳥耿未眠暗風吹濕夢夜雨忽連  
年

其二

長年年夜意儉歲歲朝人惜曉雞能懶添更雨解  
頻

其三

悲涼巴恨魚銜索荏苒偏驚鼠齒藤總使春風百  
何度寒崖祇會老層冰

其四

杪歲一旬都入夜

越俗自除夕通稱爲夜

行年四十豈關

春惟應舊日香燈社換水添花稍較新

幼美兄以所藏唐伯虎七賢過關卷戴文進  
長江圖見示而唐畫特精妙將令爲歌詩系  
之翌日唐卷亡去不勝惋恨作此解之

虎頭妙繪具靈變僧絲點龍破壁飛唐生近代亦

佳手神物幻化能似之藍關一圖寒色淺半軸生  
綃珠百輦吾兄寶惜廿載餘愁疾時時試披展霍  
然疾已愁爲驅若若零埃順風捲紫檀作匣錦作  
襄好把深重貯妖變生平秘惜肯輕示惟有香鑪  
見開卷邇來愛予好詩句斃出齋頭欣賞屢觀者  
各神竦主人每矜顧至寶畏宣揚由來鬼神妬浦  
珠竟奚往吳劍俄飛去主人憮悒清晝眠叩門七  
士來儼焉鬚眉瀟灑宛舊識冠服古制非今賢是  
耶王摩詰非歟孟浩然魂驚夢醒月墮屋雲散風

流雨絕天故交訣今遠塞美人隔今重淵聽泉石  
今如在懷清賞今長捐君頗憶昌黎之記不吾術  
之詭能使亾在而去畱窮毫端之慘澹開絹素之  
鸞鸞景逶迤而似矚趣崖略而可求山經寒而添  
爽溪含凍而微流牛掉逸而蹄瑩馬閑適而神逍  
平頭下走皆儒雅何況連翩乘騎者標格雖同意  
態殊仙子羣游鶴飛野矯首似望低似吟興在溪  
橋風雪下或如吟苦韻未續形貌摧藏意難寫或  
如句得神氣盈想口允揚鞭快捶馬樹古崖深石路

細故作廻巖增遠勞一馬蹠足險欲逾一馬盤身  
進仍避雲開已見山際關樹杪應藏關外寺山到  
關頭皴法換稜骨孱顏勢奇悍臺閣高寒雪意濃  
馬蹄犧礮人心憚前騎回頭後轡遲來者如追去  
如喚當時七十士雅能詩維也虔乎兩畫師鄭公落  
筆王公賞妙蹟淋漓今豈知唐子丹青亦補以虎  
賁聊得似中郎君不見宣和萬軸都如燬世事盈  
虛豈有常

春雪

眼看春事入溟濛。篝火煎茶草閣中。  
水色寫天如淡墨，雲陰闊雪帶輕紅。  
疎花點袖初凋瓣春雪少六出者，初凋瓣春雪少六出者。

老竹撐寒故出叢。記得漁簑詩句好，棹將殘酒去。

湯風

其二

犯寒先報數聲雷。待約還停遼屋梅。  
非時雷後時  
梅花皆雪候山靄漸沉驚密密，雨絲初送轉體體戲量曉砌携  
筇步欲試春粘着。屐回春雪粘履行多蹠湖水如粧景如畫。  
可堪癡坐畫爐灰。

雪消

柔姿能耐幾時消况是春來臘後飄曉幕薄寒飛  
旋濕夜窓多恨滴無憇風前趙女愁堪訴老去顏  
郎鬢易凋惟有山梅解相惜深崖鐵幹鎖冰條

予年三十餘無鬚近方十餘莖而長不滿寸  
遂有一莖半白者哀其生老同域感爲十一

韻

中年雖天宦鬚長但如眉鬟鬟略可數十莖稍有  
奇花草生非時秋霜行被之嗟爾出土芽迺有如

銀絲鳥白織時頭聃老胎中兒始聞頗驚惄網撲  
反自怡請觀少年死何妨黑鬚髭貌生欲其壯貌  
死欲其衰他年影堂內好稱枯羸姿芭蕉不及雪  
寫雪良已奇吾意不及老聊吟白髭詩

百衲羹

杭僧碧嘯集蔬果爲油漿甚美以其多物而成於僧手故曰百衲

水洗麥塵凝其然豆珠腐菰首帶苗青芋魁環子  
處栗肥新去皺菱老方辭渚婺州玉葉蕈越嶺龍  
兒脯餉雞鮮勝肉土酥嫩如乳豆飽未經霜瓜垂  
初過雨樹妖僧耳白菜異猴頭聚珍分海若髮藥

斷山公股胡僕圃月擘雪粉素絲縷椒以精紀律  
油以合儔伍初如在懸樂金石各異部於焉八音  
宣笙鏞集鼓鼓杭僭碧暉叟心閒面皮古爲齊齊  
碧暉齊還碧暉炎水短只數掬火活聊一舉伎妙  
手欲飛香聞涎合吐須臾火事畢衆目屬登俎夙  
雨捲盤筵千矛亂雙筯久疎何氏肉腸枯旱時圃  
暉乎如可畱吾將溉其釜

越人號醃菜爲甕裏雞

贈錢塘王生參軍淮陽

王家子弟舊衣冠白皙鬟鬟玉一團厭看西湖三

月錦黃流楚雨聽風湍檜蘆搗鱠河魚賤蒜酪沾  
漿北麪寒莫歎官微戎幕冷淮安端不異棍安

白鬚

自撫冰霜一寸髭衆前誇道老容儀少年側室今  
成姐欲染銅礬媚阿誰

其二

西國上人言類鳥也能笑我面如閻試拈領下呈  
伊看老監應無雪樣鬚俚句過白塔寺有烏思藏僧  
一人見予自語詢之云此位是寺

放生詩十首書王董父蒸無量集以凡百長  
乃杖無不愛壽命爲韻

人生事腸腹及與口舌三二但取飽軟一乃司吾  
饑萬錢飾盤筵殆此徑寸甘下咽了無知理與木  
札兼晚食美葵蓼甚饑望鑿鹽徑寸況易欺胡當  
信其婪半齎償一身債主真不廉人羊須臾理請  
君覩其凡

其二

毒堇烹肉肥利刃藏魚窄魚肉豈不美智者走弗

食吾有萬世患驚以取一過七箸成戈矛操之還  
自賊君看筵几上忍敵常繞百食肉作董觀斯言  
心可刺

其三

介廬曉牛鳴冶長諳雀噦吾願天耳通達此音聲  
類羣魚泣妻妾雞鶩呼弟妹不獨死可哀生離亦  
多慨閩語旣嚶伊吳聽了難會寧聞閩人肉忍作  
吳人膾可憐登陸魚喫嘴向人諱人曰魚口啗魚  
言人耳背何當破網羅施之以無畏

其四

挾弩隱衣袂入林羣鳥號狗屠一鳴鞭衆吠從之  
驚殺機罝胷中粲然若懸杓吾聞螳螂蟬能變琴  
者操至人秉慈尚虎象焉足調因果苟無徵視斯  
亦已昭與其噉羣生寧我吞千刀

其五

從事愁見拘波臣苦遭蕩蠋氏羣處囊悲鳴更相  
杖寄書已成悔見夢徒增妄數錢贖爾至縛解羈  
囚放困極勢未迺蘇餘氣仍壯銜恩未忍去故作

三回望何方絕網釣何去係無恙感激見深衷遲  
疑抱遐悵贈爾金口言努力此廻向耨水具功德  
蓮花好安養微施豈懷報往矣漣波浪羣蛙猶有  
情鼓吹西牕傍古今注驚名

河伯從事

其六

昔有二勇者操刃相與酤曰子我肉也奚更求肉  
乎互割還互敵彼盡我亦枯食彼同自食舉世嗤  
其愚還語血食人有以異此無

其七

昔聞豐坊生赤章兜蚤虱食幾何討捕況已  
酷借問坊食者還當咒坊不弘恕聖所稱斯言非  
佞佛

其八

生物不可食熟已過時敗生旣嫌腥膻敗時仍臭  
穢腥膻君所知胡爲強吞啜水火幻味香口鼻成  
災惟如蠅穢中育還以臭爲愛及其生子孫居然  
臭穢內坑圓難久居蟲乎可爲戒

其九

豎首橫目人豎目橫身獸從獸者智擗甘人者勇  
鬪悲哉肉世界奚物獲長壽一虎當邑居萬人怖  
而走萬人俱虎心物命誰當救莫言他肉肥可療  
吾身瘦彼此電露命但當相閥宥共修三堅法人  
獸兩無負

其十

食肉或有墨食糠反肥盛薇蕨雖苦饑甘脂亦生  
病我痛思彼痛彼命如我命勿憎質直語質語應

與季豹遊雲門

簇竹生鞭晚稻齊石橋重訪古時題谷雲未出俄成雨簷瓦初鳴已漲溪日氣忽穿殘蜺斷亂山翻在夕陽西秦碑解讀隨君讀苔磴從高不濕泥

梅季豹見訪同爲雲門禹穴之遊詩贈其行  
白葦黃茅都一槩蒼松何意入雲裁練江秀句今  
如謝橄欖餘甘舊屬梅溪閣熟眠秋到寺石亭壯  
觀雨兼雷憐君醉後談能勝倩取湖光爲洗杯

秋日陪黃雨石大行游西湖賦贈

勝蹟阻深幽奇探每重繭惟有西子湖波光近於  
眼城頭粘翠浪堤尾銜青巘浮居酒舫寬卧進入  
輿軟曾靡高深懼而備登臨善如君夷曠士一遇  
盡誠款高談露齒齶往往掛肝膽豈不重深衷佳  
處正在淺三陪烟艇月屢赴招提飯山姿幾明晦  
溪態巧縈轉卽遇謂已盈淹留興逾緬如君美無  
度冲抱出平遠幽憂渝宿好三歲跡如鍵相從把  
芳醑疲疾獲所遣

題高解元冊

匪蘭永懷

自我廢篇咏四百八十日霜鳥翊折口欲暗豈暇  
咿嚁哢春物有鳥曰精衛悲鳴東海旁酸風吹聲  
到耳畔令鳥口血未滴心氣傷一啼復一滴點點  
暗成字一叫復一吟聲聲似人語孤兒夜半心啼  
鳥庭前樹字字譯之語語傳傳爲海上高君篇高  
君悲匪蘭伊我亦罷蓼昨歲曾作流離詩其詩非  
詩過於哭今聽高君言君心我能睹富兒嬌他嫗  
貧兒榮父母好兒作父弄病見費將護兒眠父不

卧父藥兒更吐但啼苦兒口不道爺心苦齧指爺  
不嗔所痛兒未乳讀君如許言使我淚如雨念我  
幼瘦劣多病少安愈及長見憂憐長令父懷楚父  
病我則鄉藥療多莽鹵恨恨數往責恨恨失今補  
以較施報間千縗於一縷立身良缺漏作事慙仰  
俯常恐墮先猷聲光化爲土君真國香種予也維  
禪櫓因之寫哀歎短韻寄長懨

織哺恩斯

兒欲乳母方織三日五疋兒不遑食母方繼見欲

哺寧斷我縑忍斷兒乳兒長及機毋力劬待持不  
織爲兒麋兒隨毋旁織且讀旁有釜鳴麋就熟長  
跽向毋毋無苦看兒織文巧於組文成五采飛上  
天嗟毋不見眠下泉

幼美唐寅七賢過關卷偶失去予作詩解之  
乞何復歸遂書前詩於卷併有後篇

吾兄寶斯畫令我韻其尾畫乞有餘恨題詩爲昭  
酒當時評詩意頗與畫趣同去畫不可見見我詩  
篇中兼亦寶我詩二寶相雌雄一潛一在匣每有

精光通新篇爲召呼果與舊物逢一笑獲其耦  
畫反詩無功詩長更疎缺畫短窮纖濃乃知有聲類  
不及無聲工移珠已復還往璧猶未碎辛苦宵人  
握襞理損脂膩將無煩七翁顏面亦微賴四馬蹄  
不停兩牛鞅未稅乍至恰如歸方睽頻願墮挑燈  
話無恙尊卑聊問慰雪深關路迷翁其安篋笥

送僧圓知還毘陵覲本師

嘗住天台古釋籤  
岩莊楞伽經子爲

之

古洞見今隱新文生舊籤鈔成逢寺施律苦到詩

嚴愛客每分座論山時捲簾瀨行惜携手湖月正  
如鑊

其二

圓知是笑岩禪師法孫

能行笑巖今不愧笑巖孫破衲曾藏鳥中餐更養  
猿心空隨世法願滿答師恩莫以文相揖名言久  
欲吞

贈僧支幻二百幻嘗結茆天目山悟松下遇  
大雪瑠璃火滅餓幾死山中苦寒五更前尤  
不可忽其言云然

天目最高層雲開見定僧閉門千丈雪寄命一枝  
燈半夜每枯坐雙趺如抱冰吾師辛苦意慚愧老  
盧能

其二

祖師錐幾榦有口元無舌借問住菴人菴中誰死  
活門外黑風翻茅菴緊上關吹殘峰頂月捲却案  
前山

白塔寺晤葛景文

有序

葛景文文宿白塔寺遺信約予兄弟往會苦朝

拏舟住而景文已行後二十日天目僧支幻過  
齋中相與泛湖憩寺方飯而童子報景文適至  
相見喜甚因邀與歸舍以其會合之奇也遂有  
此作

昔愴良會垂今逢非皇始聊携清淨僧去弄潺湲  
水魚鳴野寺飯鷁過高人起誠願忽以諧將無藉  
神理機緣禪子歎奔逆童奴喜迎拜互攬祛歸舟  
已焉止蒼顏七尺瘦杖策高過耳平生無妄詣所  
詣必名士伊予年輩微而君風韻美荒院稀人過

青苔見君趾是時朱夏半  
穉竹數竿紫掛幘影屢  
翻移尊蔭逾委畫漏無  
短籌清言有延晷脩划與  
小年斯言信非侈

與景文夜泛歸舍

坐深真永日交晚是忘年意  
慙涼侵暮人歸月滿  
船伊蒲貧士供簷荷道人禪  
幽處苔難埽翻憐竹  
影妍

觀友人書壁二首時大雷雨

援毫興眇冥風雨颺然驚龍欲排牆去雷疑破柱

爭竹簷相對潤茆宇遂畱名野客頻停棹焚香字  
字評

其二

心手忽相詣閒中飲興佳萬蹄看斫陣一字可名  
齋客悟曾觀劖僧評許折釵從今眠坐處不離薛  
紋階

贈靈隱僧

稽留山下寺客到每稽留僧定年年夏蟬吟句句  
秋泉新雲護覓峰午月生樓不獨貪名賞兼憐茗

事幽

其二

快晴真爲月驟雨更宜泉吠蛤驚來客鳴蜩急晚  
天清詩難抵供高論未妨禪一榻茶烟底聊償熟  
睡緣

其三

司倉吟裏佛桑苧茗中神詩律憐吾減茶勲到爾  
新著經今日異關品幾山春儻問西來事拈甌舉  
似人

勝公煎茶歌兼寄嘲中郎

中郎嘗品茶云龍井未免草氣虎丘

豆花氣羅界金石氣

銅鑪宿火灰初煖旃檀半銖芬氣滿須臾斷續一  
縷青纔有香烟意全短勝公煎茶契斯法免禍甄  
中雪花白火文湯嫩茗乍投已具味香無有色蘭  
花色淺趣已殊況堪老作鴉兒籬佳處無多在俄  
頃趣飲敢復留羸餘公安袁生吳令尹未解烹煎  
強題品杭州不飲勝公茶却訾龍井如草芽誇言  
虎丘居第二彷彿如聞豆花氣羅界第一品絕精

茶復非茶金石味我思生言問生口煮花作飲能  
佳否茶於花氣已非倫淪石烹金味何有歇菴道  
者山澤癯瘦光泉水烟雲腴飲罷身輕意冲舉夢  
爲白鶴雲間徂燕中大餅如截樹生平啖之齒牙  
敵何時一碗沃爾腸勿作從前易言語

石佛菴

松間二石佛傳是于年像日日苔蘚滋看看佛身

長

白衲菴

何年白衲頭住此一菴古山深鍼綫無惟將白雲

補

金銀沙池

兩池如兩目雨後轉澄澈可憐清淨眼底用金銀

屑

丈人石

石羊已可呼石田當可稼吾從石丈人操筆復扶

耙

過何泰華園分韻四首

花事殊堪譜魚羣似可名涼風吹蔓影急雨打荷  
聲清簾便慵卧朱欄傍晚行嘗新北泉冷重爲煮  
沙瓶

其二

今日何園句能無憶少陵迷人寄生酒咂地月支  
藤蓮褪魚吹粉苔深石減稜軒窓隨面面寒竹影

層層

其三

碧網雲牕裏龕藏古佛尊金容開紫磨鑪氣長清

溫玄度當年宅祇林再世園憐君鄰並地蕭許可

重論

蕭山厭園寺是許公宅再世蕭贊書

其四

池合繁垂柳林深長栢關夏蟬終日聚昏鳥異方  
歸竹效新施粉魚多舊賜緋葦間吾計足釣艇晚  
堪依

贈地師周心水

自愛名山入剡中多君風尚古人同南條氣槩千  
年空往代悲涼六帝宮路入斷雲經峯確時臨野

水辨崩洪畫龍一倍堪時好莫把真形惱葉公

送恒齋叔之官吉州

有序

恒齋叔弱冠辭家客上谷以戍籍試補弟子廩食三十載不得志就幕職吉州詩以祖之吾宗派於潯陽扁舟經過試尋所謂栗里者弔之而嘉靖中伯父新峯公故吉守也到郡後訪之父老必有能言其惠績者無墮素業無沫先猷是  
在今日

卅年抱策真磨鐵半組榮身喜佩銅江上遺民談

舊守柳間墟里間家風籌邊壯志行遊日趨府英  
名坐臚中聞說青原餘社在擬將心地叩恩公

送相者金生詩二首生嘗謁先公於江州見  
予孩抱中今四十年矣

黃襯翠襯繡垂膺此是東林定裏僧君到江西勞  
問訊只今誰炷塔前燈

其二

相從石畔記前身四十江州夢裏程身似寒蟬抱  
枯蛻逢君重問舊啼聲

贈某簿

名賢多更隱爲眺越王臺棲棘嗟高羽勾稽得勝  
才薦疏楓陞去轉餌舊泉來戀別潭無計新詩滿  
篋裁

贈王廣微

一種青山色如君識者希烏經隨眺覽鶴骨易翻  
飛秋圃宜梨紫園田晚稻肥男兒多遠興莫只戀  
牽衣

四月晦日泛若耶至雲門寺以起坐魚鳥間

動搖山水影爲韻

兩崖十里蒼筤根中藏一溪雲月隨嫩粉生香筍  
出林老枝壓地花成米溪上老翁撐竹船摘米炊  
枯弄清泚月下何人見往來惟有山猿同坐起

其二

結葉垂花老榦卧四山無風午剛蹉板花蔭葉橋  
畔涼葛屨生衣安穩坐田家初飽麥上場溪雨新  
過水推磨林間起步餘睡清青梅滿桑雀卵大

其三

五雲山前盤古樹曾見前朝老謝敷六寺鐘聲何處盡僧殘惟有粥呼魚筈天已過麥地瘦一飯山廚鮓菜無青鞋布襪客何意擔水揭揭來澆蔬

其四

夏首新熟葉氣蒸細路危橋得幽悄橙樹成林已快人況有鳴泉覆深篠松髯石髮雅能淨竹磧鳥籬憐最小何時一牀卧僧閣飽聽凌辰醒來鳥

其五

凌辰理策來山間落日尚照紫溪上還上灘下灘魚

鳥忙應道山神嗔我頑秦皇昔畱一片石何人爲  
摩挲蘚斑山頭咫尺隔雲霧況聞鶴鼻高屏顏

其六

雙溪港口泊幽夢石帆山下朝炊動荒村客到松  
鼠奔小市人喧竹排重我生百事松上針雖有寸  
長何所用石田子臥雲外閒去採靈芝爲君種

其七

片雲隨脚僧打包片月隨肩人負樵若耶雲月天  
下少扁舟撥水連山搖人生兩足奉一口一餐易

飽吾將邀禪扉無人白日睡山雞告午鳴寥寥

其八

張公竹樓風與關錢公廢居生茅菅麗句亭込真  
帖去誰將好事開吾顏四垣生衣憐佛舊一貧到  
骨哀僧屏雲光晃然忽變現天意似與閒人山

其九

山無雲氣水不鳴是山非山水非水生平愛水惟  
愛聲每聽鳴泉心卽喜雲門一溪遶襟背面面僧  
坊筑聲裏山空月出長松前洗盡卅年非譽耳

其十

赤日漸傾氣漸冷斤竹林疎墮峰影前村虎跡枕  
來大正晝斷人生境靜田家決渠溪爲濁野筏隨  
流勢何猛泰山向人足回換仄看成峰橫看嶺

贈澄公

口中無齒語首訛猶倚村童一曲歌桔槔掛壁機  
全少莊杖看雲興每多亥字我因知絳老耆年君  
莫皺桓河白冕黃鵠須臾事試向澄公問若何

送王君之官淮安

河水萬里渾淮水千尺清兩水同到海清濁還分明好向蓮花幕無忘桂葉榮

其二

君住東山陲日把東江釣身是謝公鄰門過子猷棹忽作府中趨懸知坐中嘯

送智父特倩二孝廉都試

何物趨人丞相史男子張君附之耳諸人自敬尚書郎正復非關何氏子淡墨斜書三四字鄉里小兒走失氣金鞭一尾踏花行春風吹動長安市歌

舞排場君自見場上疲勞日下羨愁君修組繹閒  
身輝光付與鄰兒看龍尾街頭我亦曾祗今癡飽  
似寒蠅天台道士時相識也羨垂天賦大鵬

三賢詩

有序

滇右吾劉公知紹興誠懇慈愛郡人士安而懷  
之而山陰尹蜀郡楊公會稽尹吳郡翁公一德  
同心實均厥美論者謂吏治之盛先後罕及也  
庚子冬將上計京師望齡於其行采民間歌謡  
爲三賢詩五百字以獻

東揚海墻國潮濤日春撞錢塘爲長雄帶以東西  
江厥宅有三山種山居中央左蕺而右龜烟雲所  
起藏三江何縈紝三山何低邛山腰擊大鼓阜蓋  
朱幡雙朱幡者伊誰貌瘦眼有芒共云劉寵孫重  
佩太守章太守坐廳事羣吏爭蹠蹠中有二尹賢  
二尹翁與楊清心等無疵盛德俱有望金石同懸  
鳴椒蘭並畦芳兩腋而一首一首復一腸兩驟而  
一綏共作千里行煦人似三春曠物如三光久者  
踰三年近乃一歲強父老謂日邇老胥言已長老

胥祝蒼天官何意之涼官如高岸蟬終風理則當  
令我地下朝不飲濁水漿官卿而後公爲當顧朝  
常吾儕日何營飯薄衣無囊願官歲遷秩勿復留  
此方父老祝蒼天胥言何不祥少年事官府髮白  
而齒黃常言府縣尊上或無侯王老掾如老鴟五  
百如饑狼官府總慈愛狼鴟列兩旁何圖公堂中  
今更坐爺娘不聞官叱詈不見官吻張有時遭決  
罰罰薄無瘞瘞仰頭睨官面官面翻見傷豈無謀  
與胥植立餓且僵鴟狼勿多嘆今乃爲縣羊囊者

捕妖人僉細乘時狂赤舌或燒城訛火將焚閭官  
能靜其紛制使燎弗揚曰雨而獲雨日暘而獲暘  
吾民固無知乃爾動穹蒼向惟虞欽收茲乃憂無  
緒薰風長萬物靡草萎如霜農夫務滋苗莠反謂  
之妨冀黃萬人母羣小乃非良甚知郡僻小不足  
淹吾公叶所願天子聖借以殿此邦兆庶獲和  
理寧爾胥逢殃明年大述職聖人處明堂飛鳬去  
翩翩征隼何煌煌黃金鑄褒號錫以酬膚功叶大  
師采聲詩聽我三賢章

夏日過草園

赤日來郊坰每與勞人期清風避城市常爲靜者  
私瘦馬出郭門草香旋生蹄幽尋無廣途藜此田  
間蹊團團十里陰中藏古招提前林在何許已覺  
林蟬嘶顧影私自言息爾良在茲禪居亦已雄萬  
木如登陴積晦耿晨燈餘青吐朱扉深柯藏靜風  
露葉留晚滋芳條欣可攀豈必來花時

其二

中林衆鳥國啁哳靡不聞亦如適都市頗盡殊方

言交鳴復交翔勢合理亦尊高詒  
人羣客來鳥何知去亦匪所訴孤遊時見欺故復  
相囂喧平生寂默意欲與禽鳥論人生各棲宿此  
義聊可敦

其三

清池不濡軌千里在一曲蒲葦散輕飈時見幽鷺  
浴垂楊髮如葆遶寺紛可束數樹影文漪欣然若  
新沐伊予江海客偶化鷗鳧族臨流無盥漱端坐  
意已足

題郭生書

有序

郭生嘗從予游少年美貧嗜書學畫亦善經義惜無祿早世其塾師陳先生示以遺繪爲慨然成句題於上方

中郎去後傳書訣摩詰身前是畫師可惜丹青無限意無人更見解衣時

題李寧遠卷

紅錦帕首狐白裘轅門置酒烹肥牛吹笳夜醉婆娑府校獵秋閒自在州

其二

聞道龍庭夜合圍嘶枚隊隊鐵騎飛平沙萬里六  
羸去縛取闕氏驟馬歸

其三

諸郎少年肝膽奇鳴鞭插箭射且馳馬上曾擒白  
題將陣前當避黃鬚兒

贈黃昭素年兄請告還嘉慶有序

泣不成聲則歌歌不成聲呼奈何而已雜詩數  
章泣乎歌乎錯然而書之書罷而讀不知爲何

譜也

巴山萬重高巴水千重深誰令東西人而與子同  
心

其一

月到三十日素魄如青盲與子遠別離倚誰作光  
明

其三

日月相望時清暉意逾苦望前與望後都得一十  
五

周易集解 卷之二  
其四

殷勤遠離意寂寥前夢境今朝看昨夢昨夢亦已

永

其五

涓流入洪川遂與江湖同亦知瀟灑微大川自多

容

其六

近海無細流涓滴化爲海小夫逢大人令我懷抱

改

其七

稽叔性疏嬾母兄常見饒念我褊心人亦爲子所  
驕

其八

每當西日下便作樂邦想明朝望西日含情一悲

愴

其九

落日仍落日明朝還復東含情重含情照我桑麻

中

其十

我行車馬間不識乘車人豈無馬上郎非是意所親

十一

長安結交地共作糲膠粘與君相識來清水投青

鹽

十二

情鳥有鶡鶡殊身而比翼命命爾何情同生法王

國

十三

物情重所見騶虞乃非祥草子胡爲人而令尼父傷

十四

白日忽嚮晦角枕夢清夜一夫中夜呼安能不驚  
吒

十五

蟻視不過寸生死尋丈地與子亦何心而營天外  
事

十六

浮萍語浮木爾我時相遭委身滄波中誰能慎風  
濤

十七

古井如古鑑團團一盃水衝風莫作樽不到深井

底

十八

念子獨我躋衆意亦何有禪病長才疎書愚增面

愧

十九

七年不相見俱有冰霜髭攬鬚共丁寧詎是離別時

二十

形影爲三人起舞秋月冷須臾月落山回身不見影

贈洞庭僧望西

有序

余以丙申歲游包山主僧望西房其徒號青蓮者從予遊後歸夢寐未嘗不在消夏石公間也

望西兩至予舍問其徒則已遷化人生若此未  
審有復至之期否慨然爲作雜詩七章書於冊  
後

碧藕紅菱渚青油白版舟同君綠波裏銷夏與銷  
愁

其二

烟水方方窄生池若處寬賜湖封震澤從此擲微  
官

其三

漁艇紫沙桅雲帆七道開烏程帶殘酒半醉呼風來

其四

望西沙彌子顏色美如玉誰人黃土中認得黃金骨

其五

樂哉包山僧種橘當田作橘中白髮翁對說包山樂

其六

烟冷明月灣雲沉石公樹試問石婆婆識取西施  
文

其七

靈洞何須入僧房靜可居佛燈長夜炷好讀左神  
書

贈梅谷上人住山

有序

萬曆癸卯邪予會梅谷上人於馮開之先生座中  
先生稱之爲理窟後四歲予入法華山上人荷  
杖來訪時山中秋雨泉聲如筑爲留數日語予

鈍愚不能深領妙契其教而當機無隱一副熱  
腸意甚感之上人雲水三十年徧遊名嶽所遇  
者宿如辨融月心諸老猶未當其意高視濶步  
口如布穀氣拂雲漢予不能測也自言年老倦  
游將縛茆天目庶幾老且死於死闢活埋之間  
焉而乞資於士大夫之信道而樂施者予貧無  
以助也爲賦數絕以資其行

十萬八千烟水路一千七百葛藤窠眉毛落盡芒  
鞋破壞向西巖老土坡

其二

雪花一片語當機生錢穰穰鑄面皮莫將和雅迦  
陵舌去伴當年師子兒

其三

孤峰獨卧老拋書片衲單丁手勵金冬雪斷烟冰  
斷溜看君一口嚼空虛

送鳴臯兒北上古體一章

悠悠遠行舟望望臨河渭中觴意慷慨歌罷還長  
吁秦庭列九賓趙壁懷中歸有時賤如瓦抵鵠荆

山陘十年調素琴山水含清徽一朝抱竿管甘向  
傍人吹吾兄說春秋經疇啓新篇言泉奮如流理  
解鈸如觴杜癖夜愈堅墨守攻難梯折角亦已雄  
折腰慵復爲一身遠隨牒此意何人知五鼎豈不  
貴意失糠與粃斗秩時復榮義得爲京抵恨恨季  
子懷惻惻曾參詞簿頌殊擁書束紳還自縻彭澤  
豈爲米高堂有垂絲公田不釀酒秫稻聊供飴詞  
林類馬曹手板曾支願棄置歸南山時作嬰兒嬉  
贈君同心言語默何足疑

贈杜居士

有序

杜居士生於帝鄉日瞻望佳氣如食天廚人聞百味不復適口看山會稽不旬浹輒去無足評也蚤歲事紫柏老人持律精嚴年時一食過予山中數日未嘗談形家言予亦未嘗請也肇法師曰心有高下丘陵是生且道秦望山從何處生起居士其諭觀之

一鉢杜陵翁家山指舊豐萬峰看欲小身住鬱葱

其二

著經老作青山主執拂曾親紫柏師捲盡亂雲深  
日午看君臨水嚼楊枝

讀貞奴傳

有序

貞奴傳者大方伯楨川陳公爲其弟婦童作也  
童之先出宋李忠襄顯忠避國讎改童姓姓望  
於會稽貞奴年十六歸方伯公介弟國子君以  
孝婉稱庭中逾二歲生子于京而陳君前婦有  
二女子貞奴視之如京也庚辰國子君病卒臨

昌黎集  
卷之二  
訣以子女屬貞奴以故貞奴哀甚矣猶爲強粥  
此無翔目無游容無矧者三十年背有方池嘗  
植蓮自喻曰吾悲其腹子以生而成子以瘁其  
苦心哉甲辰蓮三莖六華並蒂人謂之義感子  
聞而爲賦雙蓮之詩三章

太華峰頭玉女井井中蓮花千尺冷花開花落誰  
得知黃鸝孤飛來照影

其二

黃鸝歌殘調轉悲鴉喬塚畔夢猶疑只應池上雙

蓮影得似當年鏡裏時

其三

雙覓雙語鏡中軟蓮葉蓮花總斷腸  
幾倩西風洗紅粉斷香零露老秋房

題王氏繡大士

吳生繪有神筆端現大士佛子巧勝畫鍼鋒如道  
子千絲成一抹萬縷纔一揮種種具筆法想像繚  
毫飛菩薩如化身衆生如幻力隨類而應現如淨

水中月

題尹中丞栩栩園二十二韻

江漢姬諸國名園水一方中興今吉甫大隱楚蒙莊新賜逍遙號重慶卻曲章午橋方構墅內舍正歸裝簡朴真規在疏通遠境藏小亭穿翠篠危榭眺微茫天迴連雲夢江清帶武昌臯憐神女佩洲憶禰生狂烟渡真乘葦苔磯坐釣璜晴雲南浦色珎簾北窓涼橘刺迷花砌松陰覆薜牆枯枿閒屋壁矮簪掛舟航隱士遙通徑高人獨拜牀僧依蒲褐語客至綺筵張勝賞時中聖幽襟到上皇理齊

堯亦許道隱穀偕臧周蝶元同夢鵬鳩只異翔羈  
消華自墮腰適帶兼忘肥遯應無悶雄材固未量  
將軍便用趙開府共思羊莫以棲遲樂而忘蔽芾  
棠願言鈴閣下一爲咏谿堂

題錢慕蘭卷

有跋

光風泛妍節幽蘭被秋晚楚人思方結越客腸偏  
斷陟岵感芳初循陔驚豔暖殷勤羅戶徧惆悵生  
階晚猗猗玉池畔浥浥露華滿思同屈氏芟興異  
陳王阪之子乃國香金書洵絲遠藤根長者居杏

樹仙人苑毫抽亭禊餘琴引尼丘撰至性已攀如  
神襟亦蕭散忻有同心言芳佩從君舉

錢氏之蘭正如屈氏之芰曾氏之羊棗昔賢至  
不敢薦不忍食而伯升於蘭獨愛而植之其爲  
慕同耳伯升雅士精醫工草隸少年好聚古器  
種稚竹木盆盎中望若喬天晚歲悉持贈客不  
愴獨滋蘭爾善又庶幾所謂慕以終身者此卷  
多先輩名賢手跡予詩何足嗣響爲言其晚慕  
不衰而已萬曆戊申冬仲望齡書

終